



韓江雅集卷三

消寒初集晚清軒分韻


胡期恒得蕭韻

朔風纔動未鳴條
病體陽回欲卸貂
盆裏疎梅工點染
庭前弱柳漸飄搖
年々佳話詩成帙
九九初筵興頗饒
眼底清光正圓滿
微寒不禁酒頻消

唐建中得尤韻

長至彌旬氣似秋
消寒故事亦重修
背陽眠愛陸魯望
棹雪興虛王子猷
東閣梅因冬暖綻
西園客為晚晴留
渡淮人憶去年集
知倚道家吹笛樓

泝江太史客淮未



馬曰琯得青韻

招邀又復到寒廳拈韻裁詩倚曲屏陽氣初交猶滯暖
踈梅小破已微馨今宵試驗檐前月來日重看望後莫
贏得年々為此會熏爐朋比倒雙餅

汪玉樞得侵韻

陸家池館似山林落木蕭疎竹徑深陽氣已回剛八日
殘年應更惜分陰老來泥酒難輕放閑裏獻詩耐冷吟
此地梅花足消息不妨九九盍朋簪

厲鶚得豪韻

爐暖窓明聚緼袍朔風誰道利於刀復過七日天心見

乾揲初爻隱德高梅蕊巡檐開玉雪雨聲旁舍壓春槽
吟箋擘處難藏手一鬥歐蘇白戰豪

方士庶得先韻

消寒曾是舊因緣白戰分題憶隔年人數恰當如月滿
詩情誰更敵水堅清淮悵隔思傾蓋仙袂相逢喜拍肩
曲溪久未入會今日始至知有陽和回地脈巡簷香探一枝先

王藻得庚韻

相看歲序已崢嶸茶熟香溫逸興生屏上梅纔一枝添
窓間月又十分盈主人剛就餘冬錄詩客尤欣晚歲盟
從此消寒頻有集分箋理詠達新正

方士處得咸韻

蜀紙窓深迥隔凡吟朋如在積書巖人情頗逐陽和轉
塵慮都隨落葉芟佳會隔年頻載酒倦遊有客未抽帆
一番至後仍逢九煨芋烹魚慰老饒

馬曰璐得蒸韻

消寒猶記去冬曾弱線纜添興劇乘歲籥一週銀箭水
詩情無盡佛龕燈早梅晚菊人如舊炙硯裁箋我亦能
從此聯吟過九九又留故事隔年徵

陳章得肴韻

徐吟蠟屐到池坳又是消寒鬥綺肴
旦鳥啼清似訴

款冬花謝雪餘梢坐來美欲東南盡數去時纔二九交
詩課蟬連知不少枵然獨畏腹如匏

閔華得歌韻

陸家老屋似林阿菊後梅前客重過高會每先春氣轉
吾徒偏得歲寒多凍禽有語應知暖古硯無冰不用呵
如此冬晴好風日宵教容易放金螺

陸鍾輝得麻韻

去年九之吟朋會又過荒園小徑斜北陸日躔纔一轉
南枝梅信已三花試拈競病呵湘管更對高寒想雪車
如此蕭閑足風味重屏圖就也應誇

全祖望得益韻

至後春光滿畫簾決旬猶未撒空益披襟欲化冰心冷

曝背還過酒力甜圓月正中初應女京房卦候冬至第

樊榭新納姬人因以戲之神龍在下暫歸潛底湏刻燭催題句弱綫

新傳九縷添

張四科得覃韻

春秋佳日一年諳樂事隆冬次第探已見飛灰占地氣

相逢攏手應街談微紅正喜梅梢亞三白還期雪意酣

九之從今休冷落清吟閑醉不妨貪

梅花紙帳歌

唐建中

高人例有梅花癖夜深常伴梅花立之久不辭風露寒

安得和梅一處眠忽然花謝梅子熟耐可小窓黏橫幅

幅之淋漓花滿枝東風拂紙開四時紙紋如羅縫作帳

寒梢冷蘂墨其上睡去猶聞暗香侵醒來只與踈影傍

誰道和靖先生貧金釵十二瑤臺人誰道師雄清夢短

黑甜長占羅浮春溪藤皎之明於月霜繭皓之白於雪

雪月正助梅精神伸脚那怕衾如錢我欲製歸補離騷

只恐洛陽價已高暫喜午困憇君清友榻翮如隔窓看

鬧南枝蝶

程夢星

張霄作帷屋作禪蒼烟白月凝黃昏孤鶴叫空夜不
美人冉之來幽魂刻藤十幅明於水誰貌冰姿厭
綺鼻觀香生夢覺時不知冷卧羅浮裏

馬曰琯

相傳古有梅花帳此帳未見徒空聞偶然發興以意造
人稱好事同欣之搓掌玉繭辨簾路裁縫冰楮嚴寸分
巢林古幹淡著色高子補足花繽紛寫成完幅挂竹榻
垂之曳之波浪紋清絕難成夢香多不散雲曙後也應
來翠羽更深還擬伴湘君帳中何所枕一囊秋露黃菊

醞帳中何所覆蘆花半罨白雪零戲蝶忽三五變化麻
姑裙問誰來試之予意寂殷勤短檠搖影羅浮去詩境
來朝定不羣

厲鶚

幽人筮得隨六爻宴息短榻風颭之思將斗帳衛安寢
不用蠻犴蜀錦綃裁鮫楮先生者吾故友清文密理魂
可交琴溪產冰下清江出草抄先以白石礮次用槐椎
敲十幅揉成飛絮軟千鍼聯就輕雲包猶嫌太素境清
冷春氣攬入三花兩藥千萬梢問誰種此睡鄉裏無乃
叔雅粉本覺範皂子膠吳綾矮額數蛺蝶罨繡云自閨

中媯勝王設色未曾到謝逸著句空相嘲夜寒穿花那
 得見風流楚客情難拋詩用意東坡遽然一枕忽成夢之入
 朱明洞口水簾均湘妃幾之立凍蛟麻姑扇影如飛旂
 幽人驚起香入骨彷彿翠羽鳴咬之作歌刻意洗凡語
 遠勝瘦島之瘦聲叟聲

方士庶

相思一夜梅花發夢裏春風醒時沒無端玉屑落溪藤
 十幅冰紋半床月橫斜斗帳影蕭條雪艷芳魂墨瀋招
 白晝孤標依榻冷黃昏清照待燈燒寒池蕉雪窓雲亂
 宵負江南春一片蒙頭好共蝶遽之探遍空花倚枯幹

美人高士竟何如香襲週遭倦枕書由來太瘦清于鶴
 獨守天寒卧歲除

王藻

宣城水蠶唾羅紋輕於鮫綃薄若雲裁成斗帳十幅分
 週遭偏畫梅花粉猩屏折枝艷態薰曷如此製潔且芬
 綾簷誰刺蛺蝶羣針神絨唾儔靈芸麻姑碎裂五色裙
 宵眠鼻觀幽馨聞夢跨素蹇遵溪濱巾箱啓摺穿菴醞
 衆香國裏首策勲貞居十賚闕此文繡被祇可擁鄂君
 白練但說羊家欣紅羅翡幃安足云醒來翠羽啼朝曛

方士處

玲瓏館中花事早寢興恍對人衣縞怪君冰雪淨聰明
別有春風入懷抱素帷十幅製初成招得梅花與結盟
夢境如逢林處士閑情聊寄楮先生題詩不用羊欣練
橫斜倒影燈前見月香水影欲黃昏剡溪庾嶺行吟遍
冷淡風光物外緣山中雪滿任高眠家聲絳帳由來舊
故物青氈此並傳茗椀爐香同位置虬枝屈曲如龍睡
坐處渾疑楊叟圖宵來應展姜家被羨此真成安樂窩
何煩着屐問岩阿君從蝴蝶閑遊戲我學嚶鳴試和歌

馬曰璐

苔箋十幅了無用餘材幻出踈梅花梅花的皜留夜色

紙帳清過蚊帳紗七尺繩床梢橫亞廣莫華胥眼經乍
不知是帳是梅花窗外銀蟾正相射道人高卧鶴一警
消受不勝香雪冷定須興發剡溪中不然身到羅浮頂
林處士楮先生我來夢破蘧々形繡池更愛雙蝴蝶那
怕寒風傍晚零

陳章

小槽夜擣蠻溪藤墨池誰喚春風醒隔雲盤屈蛟龍騰
之而鱗甲黏殘冰高撐四角虛白凝冷逼毛骨棲岩窟
山月在戶懸孤燈人如瘦鶴方曲肱鮮潔那許緇塵停
松煙變幻淒寒馨頻將清味問老僧流蘇空自圍娉婷

梨雲柳絮夢冥之 行盡江南一千里 休教短笛屏間起

閔華

阿誰裁作吳香窟 似花非花月非月 由来十幅寫雲藍
刻畫江梅到毫髮 巢林畫筆能傳神 幻出羅浮夢裏春
不須更覆蘆花被 已是溫鄉雪滿身 遊仙一枕知何處
定在前村深雪路 悠然畫角一聲吹 水湧雲寒鶴飛去
夢裏春無涯 相逢萼綠華 迴風拂衣袂 斗柄枝橫斜 覺
來清境宛在目 剩有暗香踈影生 頰牙咲他紅薇之帳
鳳花錦繡闥 深沉春不醒 何如剡溪藤 詩人供寢興 朝
朝銅井銅坑外 蹋遍蒼岩翠幾層

陸鍾輝

蕭齋卧具清不華 溪藤十幅匡床遮 簾痕皎若鵝溪絹
羅紋薄似輕容紗 高人愛梅兼愛影 補之畫格週遭斜
醉眼續紛亂冰玉 高眠屈曲驚龍蛇 合有詩篇入清夢
孤山雪後湖水涯 嫩寒春曉看不足 惆悵月落啼棲鴉
醒時簷前見飛蝶 疑自羅浮仙子家 尋香鳳子太狡獪
知有五出春前花 諦觀始悟針神手 精妙絕世空咨嗟
蝶耶花耶成二絕 華胥國裏真堪誇

全祖望

三間白屋圍踈櫺 中有白雪歌 冷之薛娥翻之巧環衛

江妃面之爭逢迎阿誰筆力透重繭疎枝斜入倒影擎
乍疑七峯亭外鹿角樹飛度長箋旁午生又疑焚書樓
頭鵠紋卷吹墮香坡颯有聲冰心玉腕共此潔緹幕緇
帷遜其清當日南湖老上將二十六條此竅精黃花菊
枕雅相配荷葉鑪香熱紫藤畏寒蒲茵且暫卷耐寒蘆
被還同外主人覓句循廊倦已甚黍谷春回夢未醒天
上參從醉後橫三素雲看空際呈遽之栩之杳入化直
見蒼茫太古情

張四科

剡藤十幅光笏滑花似裁冰榦屈鏡清宵有夢到江南

高卧蒙頭壑香雪合江亭畔古梅林費盡煙毫費苦吟
不如斗室橫斜影裁向白雲深復深

十一月三十日集小玲瓏山館分詠

胡期恒得寒燈

短檠迴紫焰薄紙護青光只好臨書卷難移上畫堂背
窓風裊之映壁雨浪之社酒桑榆煖圍爐樂未央

坡公詩云
何時却逐桑榆煖社酒寒燈樂未央

唐建中得寒溪

岸容何寂寞山意亦蕭疎香泛梅將放煙浮柳未舒向
陽時有鴈負日尚無魚雪夜誰乘興沿洄到我廬

程夢星得寒月

廣寒元有窟清極出冰壺凍訝金波合涼勝玉宇無晚
侵霜木潔曉墮雪山孤携手誰同翫吟憐影亦癯

高翔得寒松

歲寒群木脫擎翠一株高鱗鬣孤峯映盞擎古殿牢雪
殘疑立鶴山暝忽飛濤剪取鵝溪絹韋侯筆興豪

馬曰琯得寒山

嶢嶢冷逼人刻削露全身草木已齊脫風霜况泱甸嵐
光渾似睡峯勢過於春絕愛樵歌發清音迥出塵

汪玉樞得寒雲

白草千村濶黃雲四野同陰凝欲飛雪凍合不隨風黯
黯遙天壑蒼茫落日空那堪延望久水際沒孤鴻
屬鷗得寒林

一片嚴枯景槎枒出凍痕高空無脫葉生意此歸根影
冪棲鴉寺梢分落照村營邱餘粉本濃淡幾株存

方士庶得寒更

月苦窓逾白遙之夜漏沈因風偏到枕何事不關心數
去譙樓迥聽殘古巷深此時愁欲絕那更急寒砧

王藻得寒旅

客子凌晨發茸裘犯朔風關山鞭影外冰雪帽簷中午

頓村蔬白宵依土銜紅冷朝陽可畫若個筆能工唐人
朝陽風雪入京圖

方士處得寒煙

遙空輕素引著水曉疑屯悵望仍無跡淒迷畧有痕山
腰凝晚翠雪際抹孤村風曳知何處尋蹤見燒原

馬曰璐得寒江

歲晚意如何滄江弭棹多高雲渡陽鴈冷吹挾空波澄
澈潛虬窟蕭寥節士歌綸竿垂暮雪畫我著漁蓑

陳章得寒原

莽之平如掌霜花午未晞射雕雲際落縱馬草頭飛白

日當空淡遙山出地微江南煙水客摹寫定應非

閔華得寒砧

何處搗衣聲冬閨一片情悠々隨杵落隱々隔林生風
急女娉石霜嚴白帝城遙憐今夜月感篋滿邊營

陸鍾輝得寒鐘

百八清音起疎林出幾層催行寒更響警夢遠如磨霜
逼空樓杵風搖古殿燈西厓聲斷處幽磴欲成冰

全祖望得寒竹

消夏亦神清凌冬更有情凍雲添碧色白雪寫疎聲落
落青瑤屑臞々太瘦生黃公壚下客晚晚莫寒盟

張四科得寒泉

空山人跡絕，泉氣挾寒并。不見巖花落，真如水鏡清。雪消分細脉，夜久咽餘聲。定起高僧照，都無熱惱生。

咏竹火籠效齊梁體

馬曰琯

金刀理翠筠，袖中矜巧匠。瘦藤束縛之，微火縱橫向。秋心轉暘谷，含漪變挾纊。置之研席旁，詩神應張王。

厲鶚

熏燎陋鴨爐，巧析織筠織。屈揉合陶輪，玲瓏資火力。袖倚黍谷溫，香染湘江色。本是秋簞餘，因時重雕飾。

方士庶

勻圓翠織成，詎用呵萋手。星々蕪妙香，冉冉入雙袖。透火似筠篔，熨眉比金斗。溫磨多此君，不落歲寒後。

王藻

緯翠成圓製，仍宜薄袖摩。暖逾吹嶰律，密似熨湘波。不嫌文錯伍，終愛性溫和。殘灰比郎意，桃笙怨若何。

方士虔

熱寧憂炙手，有節已摸稜。湘妃猶帶怨，青女忽生憎。匪同白簡汗，自有香雲蒸。羔袖携來便，寒灰入夜增。

馬曰璐

雅製劈琅玕翠絲盤縷畫漆綴文華清風變溫煦石
炭一星含春雲半房聚持以貺湘君窓前雪幾許

陳章

細劈霜岩叢斜織水紋漩停炎一氣通排寒雙袖薦未
作死灰心但具清風面功成身不居思與方麴禪

閔華

細織檀欒竹戀人懷袖中火自生圓腹香如散方空小
制礙灰畫分功宜研烘休嫌炙手熱面目有清風

陸鍾輝

誰將煙雨姿千絲環一色策勲鳧藻同具體龍孫織右

挈或左提溫風變涼德冰紋細融出袖置硯北

張四科

剖竹織何巧尚含煙雨痕不知翠袖薄中有朱火溫薑
芽纖指直鷓斑餘燼存回首語青奴適用兮寒暄

邗溝廟

程夢星

舊說城邗此駐輿偶經遺廟重躊躇淮流久斷山陽濁
漕運還思合瀆渠春社一方猶祭賽霸圖千載已邱墟
鑰匙河上西風冷誰問忠魂弔子胥

馬曰琯

誰言霸業消沉盡，衰柳寒蕪廟貌留。
翁媪何知論戰伐，椒漿空自薦春秋。
餘皇一徙終為越，羅縵三重尚念周。
不憤猶亭下水年，嗚咽到邗溝。

厲鶚

邗溟一道到江迴，遺構何年亦壯哉。
越國已將藏甲賀，晉人曾見好冠來。
祭餘稻蟹猶風俗，夢斷梧桐有劫灰。
枕璞早知從直諫，中原牛耳得追陪。

王藻

簫鼓棗祠映碧杉，君王精爽托巫咸。
曾勞越客張絲網，却誤隋皇學錦帆。
此地蘋花馨里社，故宮梧葉冷靈巖。

長溝一道通淮甸，雄畧當年想不凡。

方士虔

長溝迢遞蜀岡隈，回首青齊禍已胎。
江水始從桐栢會，越兵旋自會稽來。
遺民不絕荆蠻祀，配食難容佞詬才。
太息黃池歸已晚，寒潮嗚咽有餘哀。

馬曰璐

丹甍碧瓦古城闐，宋口遙連指去津。
流水至今真似夢，石田從古一含辛。
江淮歲挽東南遍，簫鼓春深報賽頻。
剩有靈旗留霸業，凍雲如墨黯蕭晨。

陳章

活々江流此達淮餘皇直欲抵天涯已聞晝夢微嗥犬
不悟陰圖軾怒鼉萬疊銀濤寃魄恨三間瓦屋國人懷
卑猶遺冢知何處輸與春風酒酌階

閔華

勾吳往事已成空廟枕寒流一道通草色遙連子胥浦
濤聲不到館娃宮祇知薦食踰淮上詎宵餘生付甬東
正是江城春社過殿門深鎖夕陽中

全祖望

江干桐樹鬱平岡左顧長洲帶水杭漫以決排謫禹甸
競傳英爽遍隋塘百牢猶附王餘薦一飯休教籠稻荒

不愛句東愛揚子雄心吐向尚蒼茫

張四科

爭長黃池故國墟此間遺廟劫灰餘告勞空遣王孫駱
配食曾無伍子胥水經注江都有江水祠俗名伍相廟子胥但配食耳商魯溝存
城郭改火荼軍往几筵虛我來歲晚雙扉闔不及春風
社鼓初

洞庭葉震初為同人寫行菴文讌圖歲晏瀕行
自作漁隱小照索題

胡期恒

幼輿巖壑戲藏身誰遣丹青為寫真敢比凌煙書姓字

聊同雅集脫冠巾薄遊且暫還鄉井此去何能便隱淪
半幅鵝溪自圖寫一舟收盡五湖春

唐建中

洞庭漁隱者名以虎頭聞寫照能師古何人敢畫君西
園傳雅集北渚惜離群歸下雪中釣石公山畔雲

程夢星

葉君寫照能寫真傳神阿堵疑有神文讌圖中十六子
一一狀貌如其人就中寫我石牀上獨拂冰絲弄清響
竹風梧影劇蕭疎目送飛鴻作遐想歲晚倦遊過江南
自圖鬚髮何鬢髮洞庭深處愛漁隱一葉扁舟懸峭帆

我聞洞庭足烟水風光應較揚州美歸卧山堂展卷看
遙憶行菴定何似

馬曰琯

洞庭山人葉震初胸懷朗之神舒之靈威丈人在西隅
定披玉札讀蕊書寫真乃其游藝餘今年秋月來僧廬
適當重九花芬敷紫萸黃菊酒一壺清吟十六人與俱
山人合作文讌圖湏眉躍之如可呼就中老醜莫予如
亦復點筆成臞儒香山玉局世豈無何充李放誰言殊
偶然對鏡自為娛倘伴黃篋隱於漁殘年風雪賦歸歟
水雲出沒涵太虛千頃頗黎興不孤此中憶曾一月居

莫釐峯頭望具區七年轉眼歲月徂何妨添我依菰蒲
我亦煙波舊釣徒

汪玉樞

葉君顧陸儔風度頗瀟灑筆貌文譙圖寒陋不我捨取
形兼取神把鏡更自寫蕭瑟洞庭秋居然一漁者今日
送君歸殘雪滿林野明年橘柚黃遲我包山下

厲鶚

洞庭之東笠澤之南三萬頃碧八九峯藍有礪者石有
困者潭有蒲有菼有釐有蚶石林之苗漁隱是貪馳丹
青譽惟顧陸耽竭來邗水偶寫行菴中之人契托僑

郊菴外之樹色雜楓楠時維吹帽朋以盍簪童子携榼
門生輿籃懸泉明像同彌勒龕大雅將作非聖不談藉
君摹繪殊費研覃犁眉森秀鶴髮鬢髮或行舒々或視
眈々或絃是捶或書是勘繩坐離立伍五參三齒長及
少交淡匪甘哂嗽名容異除饅男傳神阿堵冰玉詎慙
顧我形骸土木何堪彌月事竣一颿風酣自作小影聊
伴歸擔繇光福塔望漁洋嵐言念君子其樂且湛字婁
爆玉王餘出泔盤枿已頌崦梅可探開彼甕蟻檢此芸
蟬我為作詩字如眠蠶

方士庶

行菴霜菊安吟客歸棹蘆花認老漁一片寒林一湖水
個中風景搃蕭疎

洞庭深處好煙霞歲晏風酸客憶家此去月圓春有信
山梅應放故園花

王藻

菊宴當重九新圖點筆成簪裾聯北郭鬢翠陋西園復
寫滄洲趣如聞漁父言居然孤艇外萬頃水雲昏
能詩葛震父善畫陸包山之子五湖長風流二老間鄉
心懷橘社征棹發莫灣歲晏同為客輸君冒雪還

方士虔

胥毋山人筆有神紛之邱壑貌來真三豪類上從君寫
莫寫方干補缺唇

自署漁翁自寫真太湖煙月縱閑身長圻十里梅開日
定憶吟詩一輩人

十年夢繞石公山塵土生涯只厚顏此去山靈如見訊
為言新畫髣毛斑

馬曰璐

何充李放世不乏多君寫真具詩法貌得吟肩入豪類
不巾不鞢十數公我亦挿脚雙林中此間可有桃花紅
皮日休洞庭桃花塢詩空綸竿七尺挿枯柳自寫風漪
羨塢中人終身不巾鞞

認誰某明日扁舟隔胥口

陳章

人生面孔無他竒眉目口鼻顴頤頤雷同之中分豪釐
只在形色神氣為形神匹如水底月見則明白暮則遺
葉君為寫文讌照十六人各活脫之或貌白皙蒼而鰲
或年齒雜少壯者江湖廊廟分瘠肥團坐聽彈七絛絲
聚立看畫伸橫披踞榻談論神不疲想入微眇手捋髭
不省相對者為誰背人把卷如有疑胡床仰面低若箕
行々黃菊採東籬予亦興到肩相隨童子六七秀眼眉
芭蕉憔悴霜樹緋朱闌以外竹籬々園中之人無雜事

盡日只以文為嬉爾無我詐無爾欺克民擊壤其庶幾
非若朋甲爭險巖流傳他日考年代想見樂事時雍熙
未操不律磨隄麋經營慘淡勞心脾葉君別我昨贈詩
今復重作將何施但說洞庭我未到三萬餘頃堆琉璃
明年東歸或相訪枇杷橘樹之底拄杖尋柴扉

閔華

愛君髭鬚好媿我題詩筆枯槁顧我骨相屯多君繪圖
能逼真與君同是江南客一住江南一江北相逢能事
見丹青蹤迹真如水上萍歲晏北風急送君歸洞庭洞
庭三萬六千頃蘆荻蕭々着漁艇蓬背鴈聲來天水相

與永醉眠一覺夢揚州可是西風種菊行菴秋

陸鍾輝

昔游明月灣為訪石公石不識幽人居未叩探微宅
九日行菴集多君繪作圖清游宛在目無用索詩逋
湖風吹人衣湖水漾孤艇何如趙松雪自寫鷗波影
言乘虹月舫風雪渡江回相逢即相別看畫轉徘徊

張四科

蘆荻暮蒼々伊人水一方誰知邱壑裏即是顧長康
二十四橋客去七十二峯山青明年春水生日遲我扁
舟洞庭

秋風種菊憶前時又把梅花餞客卮不似鄭生還里日
者英人少贈行詩

者英會畫像於資勝院壁間為閩人
鄭真筆

韓江雅集三卷終

韓江雅集卷四

首春行菴小集分詠梅花事

胡期恒得含章殿

禁苑春晝長
貴主倦梳洗
深宮寂無人
枕畔香雲委
殿角落花風
飛入珠簾裏
一點着眉頭
艷々添光彩
五出暈檀心
豈要紛紅紫
清香配國色
人與花兼美
疑是天女散
緣深花不起
傳說壽陽妝
何人撰野史

唐建中得隴頭

古人相獻酬
多以物達意
采蘭與贈芍
遠近同一義
祇貴臭味同
託物必連類
所以江雨客
折梅付驛使
江南

望長安此花遠可致既喻歲寒心亦表和羹志今我在揚州故人久遐棄豈無一枝春惆悵將誰寄

程夢星得漱芳亭

閒之擅高致江梅遠移種不憚五千里聊作一亭供穹廬煖似春為護雪霜凍要令縞衣仙試掃塵盆壅如何西湖士誤入燕臺夢但隨宗師游未與溪月共此過那易贖微吟足清諷曷若句曲山鶴駕遙遙控

馬曰琯得羅浮

人云梅花仙乃是萼綠華試觀龍城錄其言信不差師雄遇美人雲髻驚堆鴉麗質頗相炫清言應遞諄是時

那自覺明日方嗟呀豈唯飲酒人何從覓酒家回思昨夜夢一樹空橫斜寄言羅浮客珍重見梅花

汪玉樞得頊有亭

南渡黨禁弛世寶坡谷蹟王郎好事家乃竟獲雙璧如彼二謝才一時見標格所以名其亭典核不可易亭前唯樹梅冰雪照几席花前日展觀摩挲兩手澤苔枝拂銀鈎古榦映鐵畫載詠後山詩感此憔悴客

方士庶得玉照堂

南湖有詞人所居唯水竹其間更饒梅香光擁華屋非但樂燕游兼以便止宿週遭三日月株宜稱二十六時序

有冬春探賞恣反復詩名上將吟清事山家足緬懷玉
照堂尊開浮蟻綠書卷映清寒細嚼梅花讀

王藻得范村

古來嗜梅者我愛石湖老玉雪滿坡栽村路入夜縞地
三一與梅萬樹照晴昊佳品各譜之花下恣幽討歐公
譜洛花曷若譜梅好至今叅政墅遺基猶可考香海接
銅坑公靈應未香花裏拜公祠酌水薦乾糝

方士處得鍾山

荆公林下居頗具愛梅癖梅開不有詩何以娛日夕掃
徑延客賞立異標新格未與華硯親且向林亭奕得失

一時分負者據吟席子落聲丁丁詩成笑啞啞想見對
花時賓主情俱懌獨怪熱中人尋香憶南陌公詩鳳池南陌他年憶

馬曰璐得合江園

合江舊有梅風流擅往代冰花一萬株箇箇排珠琲華
筵燕寢餘日報事點對想見半坼時以至香奔潰人聲
歌吹聲都在煖雲內孟蜀業消沉故宮化煙靄不因孤
標堅那得芳根在評隲煩詩翁名花遠難配

陳章得梅花屋

愛梅須其人非人梅則辱只有煮石農可住梅花屋寒

香罽四簷冷月耿孤燭壁挂綠蓑衣一潔無由俗偶隨
雲出山竟跨牛還谷清苦若懷水借墨灑橫幅至今錢
線圈箇之琢白玉何處覓高蹤春風開面目

閔華得紅羅亭

寒梅幽淡姿亦宜稱羅綺所以南唐宮紅亭圍密蕊想
見曾遊人艷色正相似周后步階前窈娘蹴雲裏鮮之
花片飛靡之歌聲起當彼宴樂時穠麗有如此豈知黃
屋心未許鼯睡美他日憶江南其音變商徵

陸鍾輝得巢居閣

貞白愛聽松三層起孤閣偉哉天聖間逋仙亦遐託性

癖嗜梅妻手蔣滿林壑傑構出花巔俯視萬不萼有類
巢父巢踪跡倚寥廓兩湖花茸之六橋香漠之獨有孤
山枝清風尚依約想見高寄年日放一雙鶴

張四科得大梅山

大梅如大庾地因賢者尊矯之梅子真曾隱茲山樊行
同寒花潔時惜炎運屯虛抱棟隆器遁跡吳市門其人
雖不仙名與山俱存年之春風至吹送冰雪魂安能策
蹇去探取梅龍根一弔南昌尉寒芳酌清樽

二月五日集篠園梅花下用香山詩為起句

胡期恒得康韻

二月五日花如雪七十四人眼尚明勝景每年修故事
花時點燈會客已三年于茲矣春風於我更闕情紗籠燭焰迎門晃水
調歌聲入耳清美酒留連莫辭醉任他斗轉與參橫

唐建中得侵韻

二月五日花如雪幸未離披白滿林傍水倚山高士意
一觴一詠美人心遲々歌恐笛吹落點々燈疑月宵臨
老去春來忘作客放狂好續樂天吟

程夢星得虞韻

二月五日花如雪一十三人舊酒徒入眼春光須共惜
隔年風景未應殊紅燈照水香疑墮纖月穿林影不孤

莫待愁人飄萬點續遊明日好看無

馬曰琯得蒸韻

二月五日花如雪疑坐孤山窠上層一片竹聲寒澗水
十分禪味小乘僧詩心尚記從前會梅事還教向後徵
不比葷羶長夜飲但將歌舞簇紅燈

汪玉樞得蕭韻

二月五日花如雪料理詩瓢與酒瓢曉起共乘黃篋舫
吟成閑倚赤闌橋禽聲宛轉歌聲和燈影參差水影搖
祇恐東風易吹盡詰朝重至不須招

方士庶得青韻

二月五日花如雪掩映遙山一角青燈影寂宜林下月
詩情多在竹間亭參差弱柳環春水斷續清歌度遠汀
醉態儘教蜂蝶笑三年閑客又重經

王藻得覃韻

二月五日花如雪花下聽歌客十三官楊柳已綻亭北
私蝦蟇早鳴池南衣香人影亂翠激酒鱗燈彩交紅酣
園林春色自無限大概祇許閑者貪

方士處得東韻

二月五日花如雪春滿園林景物融曲榭縈紆雙寺外
清歌嘹唳衆香中竹搖暝色參差碧燈映波心下上紅

好景三年纔一瞥尊前檢點略相同

馬曰璐得支韻

二月五日花如雪多謝韶光入酒卮燈火百重連碧落
星河一道影清池詩徵舊事兼新事坐近歌師與板師
檢點園林猶昨日三年風景費吟思

陳章得先韻

二月五日花如雪綠竹娟娟阿那邊常把風光思往歲
依然笠屐會羣賢半規璧月修簫譜萬朶紅燈棹酒船
却笑西湖林處士但將孤寂傲神仙

閔華得寒韻

二月五日花如雪佳處三年一再看晝靜笙歌喧竹外
夜深燈火絢林端珠簾畫舫迷無路水色香光聚作團
今夕園亭好風景宵辭激灑酒杯寬

陸鍾輝得文韻

二月五日花如雪澹沱春光澹沱雲風過園林吹片々
人隨蜂蝶共紛々橋邊燈影池心亂月下歌聲竹外聞
回憶昔年文酒會揮毫依舊張吾軍

張四科得歌韻

二月五日花如雪竹裏名園客共過鳥雜歌聲林際出
風團香氣水邊多不同酒綠燈紅夜柰此鶯飛艸長何

明日扁舟還有約更來池上倒金螺

行菴食筍限笋字

胡期恒

我老甘淡薄肉食謝不敏江南富春蔬葵薤雜松菌微
雨一洗發鬱々滿畦畛充我藜藿腸放筍輒先盡行菴
古精廬種竹作闌楯駢頭似嬰兒班々茁玉筍主人賦
淇澳詩朋各牽引冰盤薦至味愈澹味愈允恨我齒搖
落輒為硬所窘亦復強啗嚼畏嘲聊自哂勸君護龍雛
笙筍和虞軫留實待鷓鸞勿輕飼鷹隼

唐建中

中丞召詩友卯酒同滿引選勝集行菴到以寅為準維
余竄未至挪揄衆一哂曾否食指動得無口腹窘地主
能割愛初燒庭前笋重是此土毛滌賜如社賑余亦聊
解嘲不覺笑容艱問此是何時締綌行當衫不見吳客
來啖盡越駱箇初時樊榭慙他遼東丞誇我海外蜃何況
初種日親見分疆畛本為耳目玩清踈羅檻楯何不赦
籜龍而使冤墮螭步屨老夫遲放筋諸公忍有客舉罍
前君言亦未允物以用為貴初不問靈蠢請看橘柚篇
金盤非所憫聞君好我甘修飾雜紛純此竹胡不然物
情豈矛盾茲物老更成希有殊苞稔若使早且多筐滿

載亦糗乃知君子德不以姑息盡轉為此君賀晚節各
勉黽拜手罰三爵吾將飲吾吻

程夢星

北郊屢吟集今候迨鶯筍林香破苔蘚園鎖駭鹿麕大
者轟犀斑小者縮菌蠢孤行走龍蛇雙生識雌牝竹有
雌雄根上第一枝雙將以蔚檀欒亦欲蔽軒楯盤餐聊
生者雌也乃有笋作供剪劊母乃忍誰當玉版叅那免渭川哂嫁芥時不
同入薑味良允莫言堂食勝且備村廚窘自笑庾郎貧
不覺坐前盡

馬曰琯

迎軒衆綠繁繞砌孤花盡時維竹之秋籬角迸新笋乘
此初發萌裂地斲蛇蚓不惜鴉嘴鉏欣得瑤玉軫乍脫
紫衣裊旋墮綠雲鬢清香未入口風味已儘之敢叅佛
影蔬禪悅悟貪忍聊以佐行廚清齋伴土菌如何作韻
語使我飢腸窘坐筭應自嗤入山休見哂還擬食貓頭
草鞵行峭緊

屬鷄

我生吳越鄉連山富籛箇前身天目僧托命惟在笋釋宋
贊寧筍譜載天目僧詩云每從破凍初一洗几案窘胸
我本山中人惟以笋為命中凌雲氣欲吐謝不敏孤帆卸淮甸清樾表春盡故人

團社約斜徑竹香引軒窓愛踈豁新境拓畦畛供客用
意勤籜龍屠竄忍頗疑匡廬游甜苦未可哂物以少為
貴食經侈堪憫捫腹又詩成茶聲鼎鳴蚓

方士庶

行筭繞垣竹舊葉春前隕苔坼古錦紋戢之茁籛箇豈
無千畝情轉惜地力窘相度劇其繁盈筐玉色準自慚
食肉夫大嚼遭時哂今來清淨場一匕啜新笋加以青
精飯佐以苦茗引更點水晶盞佳哉美合脞厭棄凡肥
甘輕欺野蔬菌飽卧北窓風領受白日盡食品庶少諳
兼以已疾痰

方士處

謝墅結芳鄰時移跡未泯土膏林茂密風味饒蔬笋戢
戢頭角榮婉々根株引如彼同心人無分域與畛呼童
試挑取行廚配釘菌有類當路除遑惜高人哂且試切
玉刀一慰詩腸窘遠謝肉食流吟成發龍奠

馬曰璐

綠陰看已成晚花吹欲盡為叅一味禪中林遠相引入
門粉新香過墻籜半隕剩有數龍孫觶々迸闌楮勸餐
古有言咒竹吾竟忍取以當盤蔬驚雷屏土菌千畝遜
洋州雙錢異白尹瑩質脫錦綉玉色照素鬢糝以水晶

良燒得火候準鮮香逆鼻通滋味辨舌吮何如貓頭肥
絕愛羊角蠹淡泊雖無功甜苦兩不泯適來西泠客遺
我徑山筍欲持校優劣竊恐議未允且置飽喫之相與
莞而哂

陳章

土銼出林煙茆簷煮野笋飯熟招鄰僧雙筍一笑引香
如青泥芹脆比黃耳菌顧余藜藿腸泛濫已無畛腊毒
畏自戕淡薄非所窘雖貪豈葷血不用礎几憫然猶愛
琅玕清悶想軒楫何如且忍飢坐聽風籜隕

閔華

行菴首夏時綠陰滿楹楮幽人此息足閑情或品筍林
初露頭角節未茁猶蠢拾礫遂長養約緼限畦畛仄步
折折防統徑數數準頤朶心尚惜涎流欲屢忍今辰特
召客上番倏成筍且分飢鳳餐宵顧螫龍窘始鉏只幾
輩漸來至一秬那計齊小大曷遑辨牝牡尖剥肖削指
根劓類刖臍釘付廚孃為法效定叟允張定叟有但喜
味可口何妨髮凋鬢本州多食笋則傷髮义牙衆筋舉湏臾一枰
盡因思煮蕢誚更憶噴飯晒玉版亟須叅莫待風籜墮

洪振珂

世味逐塵中心脾俗所窘灑然清淨地憇息且嘗笋輒

雨錦苞茁隙土貓頭蠢侵徑礙行吟鞭長鑿垣引成竹
或慮繁劓餐庶非忍江鄉四月間時物饒蔬菌飽此甘
脆癖雖瘦亦何哂縱有腥膩腸胡弗蠲除盡南風莫輕
吹為我佇饒脰

陸鍾輝

憶昔來行菴開園數新筍見之生朶頤竹少食未忍碧
鮮漸如蓬隔墻鞭暗引前夜聞殷雷觸之驚動蠢滿徑
忽墳裂不為石脚窘香泥脫錦褊供廚嗜美炙聊叅玉
版禪何用分域畛登盤佐櫻珠入筍共松菌真味流牙
頰食盡香未盡餘待南風來新篁過闌楯

張四科

綠陰謝豹啼
鷺鷥驚晚筍
添竹知已遲
饒口詎能忍
小試傍林鮮
指動豈無朕
繞牙冰片鳴
堆按錦籜隕
食肉本無相
加餐還自哂
要知澹故佳
寧忘美為疾
多生餘此債
聊免刀砧憫
累君異猪肝
損人非雁腎
蕨配恨不同
鹽腊香易泯
何如清泉淪
甘苦味皆允
放筋對此君
高興殊未盡
清風滿詩腸
陶泓為徐引

打麥詞

胡期恒

去冬臘雪纔盈寸
畦壟稀踈麥苗嫩
今春雨足麥齊腰

鬱之葱之翠浪搖
開花結實收成早
正是清和時節好
一夜連枷響到明
只盼天公半月晴
新麥登場罷和糶
准擬今年飯飽喫

唐建中

四月不愛黃鸝鳴
四郊但愛打麥聲
健婦腰鎌幼婦餉
村之便覺輕雷響
連枷響處麥飛芒
行人如聞餅餌香
揚州今年少三白
被隴却多青之麥
立夏一雨如傾河
不晴將如二麥何

程夢星

去秋種秧苦秧旱
今春種麥幸麥滿
西疇東陌堆雲黃

大車小車都登場簸之揚之連昏朝要趁芒種栽新苗
香生餅餌但飽喫村童無事橫牛笛阿翁多收租不愁
且喜阿翁不賣牛

方士處

去年遇閏早播種喜見黃雲徧邱壠朝來刈獲纔登場
枯稻帶穗多青芒連枷反覆徐仍疾飽飲塵沙冒風日
入室寧貪熬麥香早輸半賦充官糧門前幸免催租吏
留得耕牛與田器

馬曰璐

婦姑之獲不宵遲拍之聲中間竊脂更晴半月舉家賀

保得今年炊餅大黃雲截斷枯稈長空田趁插如針秧
况有鴉銜糴齊熟一稜田多收一斛書生無識歌芄
官家歸功濟水通

淮南子濟水通河則宜麥

陳章

去冬三見茅簷白今春麥苗密如櫛結實復憂風雨壞
自襍豚蹄打瓦卦黃雲遍隴無東西腰鑿先縛斫竿齊
魄之彭之趁晴好滹沱飯熟家之飽西村寡婦破衣裳
拾殘收棄不滿筐

閔華

中男腰鑿大男荷十畝黃雲隴邊卧昨日下雨今日晴

村之遙響連枷聲大麥初青作連展小麦初乾上車輾
明朝交與田主家床頭破甕留些之那得自田還自種
但抽什一官倉送

洪振珂

大麥登場小麦黃刈穗纍之看峙耜不憂風伯聲刮耳
但祝雨師及今止十日晴收十分穩半年餽飽可供飯
老農計此惜更深遺滯粒之皆關心朝來更拜福習神
長為霑體塗足身

春秋佐助期麥神曰福習

陸鍾輝

鳥喜新晴啼快活腰鑷早向田間割負歸老幼競紛之

前村後村堆黃雲穗垂兩岐今年好廣陽瑞雨連昏曉

漢武帝時廣陽縣雨麥

風前輕簸還高揚可憐辛苦一春忙輸將

夏稅到城府歸家又望梅時雨

張四科

野田一片黃雲捲徑尺芟鉤快于剪攜載齊登碌礮場
彭之魄之聲抑揚和穗和芒更篩簸預識街頭炊餅大
今年春熟十分多莫教狼藉飛作蛾不見燕南千里赤
閑殺連枷挂空壁

養蠶詞

胡期恒

儂家不似湖州客養蠶繰絲供作帛春深兒女簇成羣
繭細絲勻刺繡紋桑葉朝日用錢買婀娜柔條枝幹矮
閉門也復斷人行日午紗窓潑眼明光華細膩如雲薄
香粉粘綿粉不落

唐建中

吳女繰絲吳兒絡上貨多替揚州作揚州女兒學養蠶
半習辛勤半是慙春寒繭薄輕如羽不礙嬌兒簇艾席
愁說二月杭嘉湖電打桑葉桑焦枯蠶飢不為吳孃歎
揚州那有好錦段

程夢星

吳孃二月孕蠶子探懷才出細於蟻高柯采葉趁天晴
幾日微聞食葉聲阿男打鼓女守箔許汝繭好有絲著
抽絲未了吏催錢保汝不賣且賣絲今年宮中重蠶事
繅三盆手下廷議

汪玉樞

輕羅繭錦知誰著却喜吳蠶繞上箔小姑畏人房闥潛
採桑那惜春葱纖半夜沙食葉急聽作雨聲憂葉濕
雪白繭子堆簇山不怨繰絲又不閑願得餘絲自上機
添補明年作嫁衣

方士庶

吳娘守箔雙眉低春深少覺羣鶯啼柔條屋角葉新吐
閉門猶自愁風雨三眠已罷蠶簇高大婦携筐小姑繅
休言鄰舍不相親由來未拭衣上塵千頭萬緒心如結
明日輸官向誰說

方士處

穀雨纔過門晝閉家々養蠶作蠶祭姑挽籠鉤婦挈筐
矮梯採遍田頭桑簌々如聞風雨至三起三眠朝暮飼
千簇萬簇齊上山繭成黃白儂髻斑繅車伊啞帛不御
輸得官租願衣絮

馬曰璐

江南四月桑陰薄辛苦吳蠶初上箔柔條倚遍小姑梯
生怕朝來雨不冝玉蛾金繭漸成熟織作羅紈自無服
背人更祭馬頭娘何不絲繅萬丈長聞道今年立繭館
眼者蠶桑天下滿

陳章

里胥一月不下鄉家々閉門村日長蠶娘養蠶如養兒
性知畏寒飢有時籬根賣炭聞盪漿屋後鄰園桑剪響
關心兩事愁常闕典却頭釵嫁時物官租不負儂不苦
猶喜端陽蓂繭虎

閔華

頭蠶上箔罷機杼東鄰西鄰聞吉語前村斜倚林間梯
大婦小婦筐提携今年三月風雨好桑葉不稀亦不老
歸來窓戶靜無譁聽蠶食葉聲沙沙繭成家公上城去
將得新絲換苧布

洪振珂

春盡雨肥桑葉綠家々養蠶遮薄苗局戶飼葉々聲乾
葉盡絲成未忍看繅蠶應奪天工巧人已辛勤後蠶飽
官家不責東人輸餘帛成衣歌于々安得奇温常如此
婦姑澆酒馬頭祀

陸鍾輝

祭得房星來作主簾幙垂々宜好語昨夜雨霽桑葉乾
温爐圍箔不知寒安得繭成大于甕上陳長吏作鄉貢
千簇萬簇供杼機幾見吳娘自製衣歌席錦纏紛伎樂
那足新妝刀剪落

張四科

吳鄉四月門巷碧家々養蠶斷生客陌頭私去祭三姑
被人猜作秦羅敷三眠已過蠶如指食葉聲疑風雨起
朝催上箔夜簇山篝火添梯不暫閑今年新啟條桑館
佇望息波減租筭

今擬唐人五言古體

胡期恒得獨酌擬李翰林白

幽人藉春草永夕獨長吟游於物之初不為愁所侵閑
携一尊酒對月聊孤斟一酌和我顏再酌開我襟三酌
我竟醉默契天地心從茲爵無算方將漑釜鬻泠然御
風去豈但忘華簪二豪久退避荒哉誰敢箴

唐建中得觀海擬獨孤常州及

夢登五狼頂遙見三山巔瓊臺何飄緲銀濤紛回旋鯨
脊隱白日鵬背負青天疊嶂潮頭湧重樓蜃氣連陽精
升若木尾閭罷烹煎出沒雜魚龍遊戲多神仙似聞成
連子撫動伯牙絃風恬浪亦靜一碧玻璃田金雞忽長

叫驚我枕書眠

程夢星得種藥擬韋左司應物

種藥滿郡圃別蹊標其名初看抽翠葉旋喜敷芳英栽
培苟以道殊方亦多生荷鍾聊晨鋤挈瓶還夕傾根株
既紛茂檢視仍分明將為去疾用豈惜巡闡行扶衰或
有藉功力觀厥成

馬曰琯得玩月擬歐陽四門唐

秋月異平昔八月中更佳氣澄天景霽林肅浮翳指流
光入庭戶素影臨籤牌玉露泣桂葉金風響松釵惟我
三四人坐嘯如同懷對之不忍去携手同行階昔人跡

已遠愛月無等差相與襲玩事永夜留清齋

汪玉樞得詠慵擬白太傅居易

我性不可強我慵不可醫有梳不櫛髮短髻如琴絲有
水不盥面垢膩非瑕疵朝亦不出戶暮亦常支頤酒至
始思飲飯來方覺飢笑啁任妻孥吾心殊委蛇閑人居
洛下閑官居分司誰人似我慵此慵天所貽翻作不慵
事泚筆咏慵詩

厲鶚得納涼擬王右丞維

茅堂對谷口雲蘿成四鄰淙流下石潭激轉如車輪迴
風正墜雨淒然灑衣巾夤緣過幽澗蒲偃波粼粼蟬聲

忽移樹雲影如有人不知出山去為誰濯炎塵

方士庶得閑居擬儲太祝光羲

閑居絕塵慮門靜苔花深耳目易為適得少物不禁闌
闌林鳥和漠漠庭樹陰天際孤飛雲志士無競心悠然
澹相對人事空浮沉

王藻得齋心擬王龍標昌齡

謫居罕塵事靈府恒獨清水邊與林下晏坐還經行觀
聽既無邪嗒焉道心生早葵帶露折黃獨和煙烹靜覺
形神適閑知筋骨輕悠然撫萬化何慮復何營

方士處得塞上擬高常侍適

迢々居庸塞我々燕然山斥堠列如掌一望風塵殷良
家子十萬日糜餼千餒未見邊庭空何時凱歌還憶昔
班定遠書生軫時艱功成身已老生入玉門關日落風
蕭々天遠車班々黃沙白草外惆悵凋朱顏

馬曰璐得西山擬常徵君建

幽思落巖穴起尋山澗鐘松風導我前石磴希人蹤落
日辨遠樹一片煙濛々氤氳花氣合窈窕禽聲通空翠
望不極雲歸知所終况茲波上月瑩魄明前峯洲渚暝
色至蒲稗孤光重此時閑眺聽餘清貯心甯

陳章得曉鶴擬孟貞曜郊

老鶴常不眠何處意軒々泉碎峭壁上月淡孤松根虛
腹那受滓清吭未為喧悠々應山谷冷々醒夢魂幽人
起石床手引欲與言戛然不我顧隨仙忽飛翻

閔華得新竹擬韓吏部愈

籊々瀟碧姿得時遂張王根纜裂地出勢欲干霄上藪
生或三五離立如輩行昨夕雷雨過幾莖枝葉放中虛
尚嫵媚節見已倔彊梢解漸分竿陰踈不成障曾無籊
籊聲便有蕭々狀占茲林水間競長詎相讓

洪振珂得聞雨擬張燕公說

破寐雨聲至正當休沐時浙瀝一池碎浹激四面垂閑

階滴清響灌木濯修枝造物膏焦卷窮簷慰渴飢顧余
慚鼎鉉退食何委蛇焚香晝漏永閉閣澄心宜鬱勃觀
生趣靈虛畏四知詎敢貪天力徒懷潤物私

陸鍾輝得喜晴擬杜拾遺甫

月令春夏交雨多晴日少泥滑遍術阡愁雲失昏曉况
加拔木風麥穗連畦倒誰能誅雲師迴幹仰大造朝光
入隙中重陰跡如掃黃雲既已割農人將秧稻吾聞董
仲舒止雨有祈禱予慚繁露學抽簪恨不早一飽樂無
餘臨風展懷抱

張四科得讀書擬柳儀曹宗元

窮達有時命委心親簡編據案試討源萬古如目前鉤
深或恍若得雋殊欣然至理雖茫昧往籍昭々懸習氣
如可融寧廢鑽與研展卷數晨夕幾忘墮蠻天寸心所
會多一笑百事捐未致唐虞聖遠謝夔龍賢吟諷且自
適寧為簪紱緣此味少人識此樂惟我偏所嗟聞道晚
于此將終焉

韓江雅集卷四終

